

Pemakaian pelitup muka masih berkuat kuasa

Oleh Safeek Affendy Razali - April 21, 2022 @ 6:51 pm
safeek@bh.com.my



Polis akan mengeluarkan kenyataan lanjut berkaitan pemakaian pelitup muka di tempat awam. - Foto NSTP/AZIAH AZMEE

KUALA LUMPUR: Polis menafikan dakwaan notis kompaun tidak lagi dikeluarkan kepada mereka yang tidak memakai pelitup muka.

Pengarah Jabatan Pengurusan, Bukit Aman Datuk Zaini Jass, berkata arahan pemakaian pelitup muka masih berkuat kuasa.

"Saya mengesahkan notis kompaun masih akan dikeluarkan kepada mereka yang tidak memakai pelitup muka.

"Saya akan mengeluarkan kenyataan dalam masa terdekat untuk menjelaskan perkara itu dengan lebih lanjut," katanya ketika dihubungi hari ini.

Sebuah portal berita melaporkan polis tidak lagi mengeluarkan saman kepada orang yang tidak memakai pelitup muka di khalayak ramai.

Portal itu memetik Timbalan Pengarah Jabatan Pengurusan Bukit Aman, Azmi Adam yang menyatakan keputusan itu dibuat oleh Majlis Keselamatan Negara (MKN), sempena Hari Raya.

"Tiada lagi saman akan dikeluarkan bagi kesalahan tidak memakai topeng muka, tetapi pegawai mesti menasihati mereka yang tidak berbuat demikian," Azmi dilaporkan berkata dalam pekelliling bertarikh 20 April yang dilihat oleh portal berita.